

KEY STATEMENTS FOR THE 2024 THANKSGIVING BLENDING CONFERENCE

Piter capat pakhat oen pahih kah a kaawnglam he Pathen kah ukna a kaawnglam la awm de catah, Pathen kah ukna oen tuhkai la soeprep boeih te mami tengla he capatthli kah laklungkir la aka awm nuetna oen akungtawng saknaben la koep n'khuen pe hamla awm – tetah Pathen kah kamthlahna te khuenna rangoen thumkhat Pathen te mami lawng soepbir la n'awmngaihna la awm.

Piter kah cathut a phu awm na he a hih lawng Khrihthlaang hingna oen Pathen kah ukna te haih a thoek tih, Khrihthlaang hingna oen Pathen kah ukna he pakhat la bawngzawng hih tih cethaih tila a tuengsak.

“Soeprep boeih lungvatna kah Pathen” – oengcathli te Bawipa kah dungzaan bawilenna khui la aka huekung – lawng tethli kah khawdeng patangthli kalawng patoeng tethli te a soep sak, a caksak, tharaa peekna oen a awm nepsak nathli te a sai pe. Hekah “soeprep boeih lungvatna” he “Pathen kah aka soeng lungvatna” la awm tih, te khuila oengcathli he kuun tih, te dawngah apai hamla awm.

Khrih dawngah oengcathli la aka awm mami kah dankoei la Khrih kah mui lawh la n'cooeng u ai, Khrih te mami lungbuithli kah tuudooenkung la mami lawng n'huhtawng tih, n'awmngaih u thai la awm.

**Outline of the Messages
for the Thanksgiving Blending Conference
November 28—December 1, 2024**

**GENERAL SUBJECT:
Pathen kamthlahna hamla Pathen kah uktemna huiah
Khrihthlaang hingna oen thlangboel hingna te hingpuina**

Message One
Pathen kamthlahna hamla Pathen kah uktemna

Teeham. 1Pit.1:2-3,5,10-12,20.2:1-5,9.3:4.4:14.5:10.2Pit.1:4.3:13,18

I. Piter capatthli kah a kawng tah Pathen kah uktemna oen awlcekna kawngla awm.

- A. Pathen kah awlcekna tah vaan thlangthli kalawng a tawng tih (2Pit.2:3-4), awlkhueh ruem kah cadilthli dawngah poe cet hang (athaan.5-9).
- B. Awlkhueh thai dawngah tah Pathen kah im kalawng a tawng tih (1Pit.1:17.2:23.4:6.17) aka law hamkoei Bawipa kah khawhin toela phaata va awm ai (2Pit.3:10), Tetah kum thawngkhat tue thlan kah Judathli, oengcathli oen Gentelthli sawah awlcekna khawhin la awm ai(athaan.12).
- C. Kum thawngkhat coeng ah thlangthli oen raitheethli oen thlangduekthli boeih tah awlcek la awm vetih, pawcii u coengah (1Pit.4:5. 2Pit.3:7) vaanthli oen diklai he hai oen ungbang poen ai (athaan.10b,12).
- D. Awlcekna a tloe tloethli kah a thaitak he vai u nawh. Khatsut tah toelthamna ben awlcekna la awm tih, khatsut tah dungtue ben danpeekna oen, khatsut bal tah dungzaan pawcina te a thoeng sak -2:1 note 5-2 na.
- E. Tede he awlceknathli boeih rangoen Pathen lawng khawhii pum he baat a ciimcaih sak vetih, tetila amah kah ngaikhuekna hamla a doengna oen (3:13) a be sak khawhihui a thai hamla vaanthai oen diklaithai te a dangthai poen ai.
- F. Pathen kah uktemna ben awlcekna te Daniel cabu dawngah khaw ng'huh thai.
 - 1. Nebukhadnerzzar kah"thinkaw te oock utih, a muithla te zahdengna oen a haam sak vengah, sengpahrang ngawlhcoen kalawng vik a hek tih a bawilenna te dul pela awm"(5:20). Pathen lawngah a hih nala" Vaanthli lawngni a uk tite na ming coengah" a hih kah ram te amah tengah koep a pai sak ai tite a thui pe(4:26. 5:21).
 - 2. A cadil Belshazzar lawng he thaihu he bit a ming de catah, Pathen haaiah rui hah oen aawk caakna tah Pathen kah ciimna te a theekhana la awm tih, Daniel lawng a hihna la" Bawipa kah hingna bawi la ka awm soeprep boeih aka uktem kung Pathen na thangpawm muehla na awm poen pai he!" ati na. (athaan.22-23).Te dawngah " na ram tah pek u tih Media oen Persia thlaangthli tengah peek la awm poen," a tina.(athaan.28).
- G. Te dawngah Piter lawng mami he" Kamzin la n'awm khuipuer rihna" oen awm hamla avan thui(1Pit.1:17). Mami he " a tue a khoek vengah, nangmi te Pathen lawng m'pawmsang thaina ham, a kut tharaa huiah dungvoeng uham" angoe.(5:6). Bawipa kah toelthamna dawngah Pathen kah dungvoeng sakna a kut rangoen dungvoeng ngaihna hetah Pathen kah thangpawmna kut rangoen pawmsang sak ham oen mami kah hing bawmcemna la thumkhat Pathen te awmngaihna ham angoe mangkhak la awm, tetah aka dungvoen oengca dawngah te pungtai hang (athaan,5.1:2.4:10)
- H. Bawipa rihna tah hinzahna oen soeprep boeih dawngah amah te minghetna la awm tih (Sam. 86:11; Isai. 11:2; Tat. 1:7; 3:5-10), amah he mami aka suen kung poekrai Pathen la awm tite meveng ahkhaw hilh nawhna he ni (Isai. 43:7) Bawipa rihna lawngah mami te thaihuthee

saina kalawng n'toeng sak. Te lawngah thlangthli kah patang khangna te mingpui ham oen ahimi te n'reen sakna la khaw awm.

II. Piter capat pakhatna oen pahihna he Pathen kah uktemna kawng la awm de, hehe he capat rawi kah a laklung kir oen a kungsut a paisakna moenih. Pathen kah uktemna oen tuhkaaila soeprep boeih lawngah mami he he capatthli kah a laklungkir oen a kungsut a paina dawngla koep n'khuen ham awm- tetah Pathen kah kamthlahna khuenna hamla thumkhat Pathen te a soepbir ng'awmngaihna la awm.

- A. Piter capat pakhat oen pahihna kah a laklungkir oen a kungsut a pai sakna tah tharana aka pe thumkhat Pathen lawngah a tuek thlaangthli lawngah thumkhat Pathen te soepbir awmngaihna khuila khuenna ham a kamthlahna dawngah bi abina la awm. Thinkaw kah a thuh thlaang la mami kah thlanghing muithla oen bawilen Muithla oen Khrih kah Muithla la Pathen kah Muithla ciim rawi he mami lawngah Pathen coengna dawngah mami kah taham la Pathen caak aawkna a lawngim la awm- 1Pit.1:2-3,5,11.2:1-3,5,9.3:4.4:14.5:10.2Pit.1:4.
- B. Piter capat pakhat oen pahihna kah laklungkir oen kungsut a pai sakna tah thumkhat Pathen lawngah ka soepbir thlawna te soep sak ham bisaina la awm, teah ni mami he cuunthaila ng'awm ai, teah ni a Awl te n'caak aawk thai ai, teah ni n'rooeng thai, mui thawleng tih sakthil la ng'awm coengah amah lawng a awmna huen a dang coengah, mami lawng amah te n'tueng sakna ham bawilen tueng sak thai poen ai- 1Pit 1:23.2:1-5,9.
- C. Piter lawng Johan, Paul oen amah (hethli kah pungsan, awlphawh, thuicaihna, hethli kah huhna muisam khatsut oen hethli kah cangsakna te atueng saknathli he vai u nawh de catah) hekah a cuek vengkah celthuihthli lawng aka vai u, a raawl ka awmnawh bibina, awlkhueh thai bibi dawngah thuum uvan tite thinawmna oen a thui thai- 2Pit.1:12-21.3:2,15-16. 2Kor.3:6,8-9.4"1.
- D. Teang bibina lawng thlangthli tengah thumkhat Pathen pum a tuengnala soeprep boeih aka thuum Khrih te a laklungkir la a bi tih, amah he thlanghing coengna, thlangla hingna, thinglam dawng a duekna, a thawhkoepna oen vaan a luinathli te a pooeng coengah Khrih kah tlangna kalawng patoeng Ciim Muithla kah tlaihvwangna rangoen a tlang thlangthli khuiah hingna kah a rawl awmnawh taham, hing bawmcemna oen soeprep cungkuemla va rekraa u, tetah Khrih kah Takpum thlangboel sakna hamla tih, telawng ah Pa kah dungzaan a poekna angla thumkhat Pathen kah soepbir a tuengna la awm poen ai-Cel 2:36.3:13,15. 10:36.1Pit.1:2-3,18-19,23.2:2-5,7,9,25.3:7.4:10,17.5:2,4,10,17.2Pit.1:2-4.3:18.

III. Piter lawngah a boel paret bueng aka thuum a capat pahih rawi dawngah Pathen kamthlahna a pumboeih, diklai lungdang suem thlan dungzaan tue veng kalawngah(1Pit.1:2,20) dungzaan hailam ben ah vaanthai oen diklai thai toe(2Pit.3:13) cumrum la a thui. Ahih lawngah Pathen kamthlahna ben awlpui thaihuthli, tawngthathli kah awlphawngnathli, celthuihthli kah a phawng(1Pit.1:10-12) thaihuthli oen tuhkaaila a huen pali kalawng a phawng.

- A. Thumkhat Pathen ben kalawng-
 - 1. Pa Pathen lawngah thlaangthli he dungzaan tue dawngah a ming oepsoeh poen angla(athan.1-2.2:9) a tuek tih, a bawilenna khuila a khuen(2Pit.1:3).
 - 2. Diklai lungdang a suem thlan vengah Pathen lawng a ming oepsoeh tih hukhuengtue dawngah aka phou Khrih lawng(1Pit.1:20) Pathen kah a tuek thlangthli te a tlang a thlawn coengah(athaan.18-19,2) tetah a duekna rangoen(2:24.3:18) hingna dawngah a thawhkoepna oen tharaana dawngah vaan luina rangoen va awm(1:3.3:21-22).
 - 3. Vaan kalawng avan tuih Muithla he Khrih lawngah a tlang tih a thlawn thlangthli te a ciim caih sak(1:2.12.22.4:14)- vaan thlaangthli lawng heangthli he tuek tuek dan hamla a lamtoen u(1:12).

4. Thumkhat Pathen kah Pathen thara na lawng a tlang thlangthli te hingna oen Pathen kawngaihna thli boeih oen a bawm a cem tih(2Pit.1:3-4), ahimi te soepbir thlawwna dawngah a khoemdoen pe(1Pit.1:5).
 5. Pathen lawngah ahimi te a toelthamna tah(5:6) Bawipa kah uktemna ben awlcekna rangoen(1:17.2:23.4:5-6,17.2Pit.2:3-4,9.3:7) ah, soeprep boeih a reen lungvatna rangoen a soep sak, poe a awm sak, thapeekna oen awmnep sak thaai poen ai(1Pit.5:10).
 6. Bawipa lawngah himi te thinsanna oen a ueh pe, teah ni himi boeih lawng thlawwna a pha toela thawlhutna a dang uthai ai- 2Pit.3:9,15.
 7. Te coengah Khrih lawng a lungna thlaangthli hamla soepbir thlawwna oen haih bawilenna oen va phou poen ai- 1Pit.1:5,7-9,13.4:13.5:4.
- B. Oengcathli ben kalawng-
1. Pathen kah koela oengcathli he Pathen kah a tuekna(1:2.2:9) bawilenna oen theennathli rangoen a khuena(athaan.9,3:9. 2Pit.1:3,10) Khrih kah a tlangna (1Pit.1:18-19), aka hing a Awl oen Pathen lawng ah cuunthai sakna(athaan.3,23) oen Khrih a thawhkoepna rangoen thlawwna a dang u(3:21).
 2. Taheah a himi he Pathen tharaana oen a thliptung(1:5) amami khat oen khat lungna oen ciimna(athaan.22) Awl suktui aawkna rangoen roengna(2:2) hingna muithla ben theennathli dawng roenghangna(2Pit.1:5-8) oen Pathen kah tuihzoeh bibi ham muithla ben im, a ciim khawsoeih bibina khuila mui thawleng utih sakthil la awm u.(1Pit.2:4-5,9)
 3. Ahimi tah Pathen lawng a tuek pilnam, bawi khawsoeih phun, pilnam aka ciim oen Bawipa kah theennathli tueng sakham a thloekca la khuehtoenna hamla a langloe thlaangthli la awm u- athaan.9.
 4. Ahimi he uktemna ben awlcekna rangoen toelthamna(1:17.2:19-21.3:9,14,17.4:6,12-19.5:6,9), a bawilen tueng sakna ham aka theen ngaai moeiboe oen Pathen kawngaihna angla a ciim hingna oen hingpuina(1:15.2:12.3:1-2), Khrih dawng kalawng a bawilen tuengna hamla a tloe tloe lungvatna kah kaawнкуem kung theenthli la(4:10-11)- a hamcathli kah dankoei doencangna huiah(5:1-4)- bibina oen Bawipa law koepna lamtoenna oen loe sakna la(1:13.2Pit.3:12) awm utih, tetah Bawipa kah dungzaan ram khuila kuunna oen ah betoetla bawmcemna hamla te awm(1:11).
 5. Te bueng ouhla, a himi lawng vaanthai oen diklaithai te a ngaiuep u tih, dungzaantue khui puer doengna awmpoe coengah(3:13), ahimi tah mami kah bawi oen thlawnkung Jesu Khrih kah lungvatna oen amah mingciimna dawngah boetouhla roeng u(athaan.18).
- C. Setan ben kalawng- Setan he oengcathli kah raal, setan la awm tih, sandeih aka kaawk angla zingzawi tih, a u nuem ka doelh lah ai tila a me- 1Pit. 5:8
- D. Khawhihui ben kalawng-
1. Aka tla Vaan thlaangthli he awlcekna a taawng tih, dungzaan awlcekna te a ring u(2Pit.2:4) Zaan vengah Pathen aka taal dilai he tuiliu oen a phe(athaan.5.3"6) Pathen aka taal khawthli te haiphu la boeih coeng(2:6). Cangpui thawlhthli oen oengphelhna dawngah aka soeng nawh nuihbu ka saithli, a thee hingna ka khueh cadilthli boeih pawcina toela awl a cek u ai(athaan.1,3,9-10,12.3:3-4,7.1Pit.4:5). Vaanthli oen diklai he ungbang ai(2Pit.3:7,10-11). Thlangduekthli oen raitheethli boeih khaw awl a cek u ai(1Pit.4:5).
 2. Te coeng tah vaanthai oen diklaithai he khawhihui thai la pai ve tih, te sawah Pathen kah doengna tah dungzaantue khui puer awmpoe poen ai- 2Pit,3:13.ref. Isai.1:26.

Message Two

Pathen kah Uktemna huiah Khrihthlaang Hingna te Hingpuina

Teeham Caciim. 1Pit,1:17; 2:21-24; 4:17-19; 5:6

I. Piter capat patkhat oen pathih hue lawng Pathen kah vaankhawhiiben uktemna kawng te thui la awm.

- A. Piter capat patkhat kah akawng tah Pathen kah uktemna huiah aka awm Khrihthlaang hingna la awm tih, awlpui la Bawipa kah atuek thlaangthli te ahoei atlangna dawngah Pathen kah uktemna te tueng sak la awm – 1:2.
- B. Piter capat pathih kah akawng tah Pathenben boelraina oen Pathenben uktemna la awm tih, Pathen lawng mami n'uktem lii veng, mami kah ngoengaihna boeih Bawipa lawng n'bawmcem nate tueng sak la awm – 1:1-4; 3:13.
- C. Pathen lawng awlcekna rangoen a uktem. Pathen kah awlcekna tah Bawipa kah uktemna te khuen hamla ni – 1Pit,1:17; 4:17.
 1. Piter capat patkhat oen pathih hue tah Pathen kah uktemna oen atuhkai dawngah he capatthli dawngah Bawipa kah awlcekna tah awlpui la aka awm cadoelthli kalawng pakhat la thuinuet koekthoek la awm – 1Pit,2:23; 4:5-6, 17; 2Pit, 2:3-4, 9; 3:7.
 2. Awlcekna aphuen phuenthli kalawng patoeng Bawipa Pathen lawng khawhii pum boeih te a ciimcaih sak ham la awm, tedengah Bawipa kah angaikhuekna hamla Bawipa kah doengna rangoen aka betooet vaankhawhii athai hamla vaandanwg thai oen diklai thai te dang thai la awm ai – athaan, 13.
- D. Pa rangoen boelrai la aka awm 1Piter 1:17 kah awlcekna tah hailam awlcekna nawh tih Bawipa kah cathli te Pathen kah uktem boelrainaben ahoeitlang nakah mikhuh la aka awm, hinrook la aka awm awlcekna la awm.
 1. Pa Pathen lawng mami te cuunkoep la awm tih akaciim imkhuikaw – akaciim Pa oen akaciim canauthli te athoeng sak – athaan, 3, 15, 17.
 2. Akaciim canauthli la mami tah akaciim hingna moeiboe dawngah khawkaan ham ni (athan, 15-16). Te tihnawh kawi nih Pa Pathen tah Bawipa kah awlcekna dawngah awlcekkung la awm vetih, mami kah akaciim nawhna te hoeitlang la awm ai (4:15-17; Heb,12:9-10).
- E. Pathen kah awlcekna dawngah toelthamnaben awlcekna tah Pathen ka him kalawng tawng la awm – 1Pit,4:17.
 1. Pathen lawng Bawipa kah uktemna oen akavaai nawhna soeprep boeih te awl acek. Tedawngah tahe dung ah Pathen kah canauthli la aka awm mami tah Pathen kah hinrook awlcekna huiah n'awm u – 1:17.
 2. Pathen lawng Bawipa kah uktemnaben boelraina kah awlcekna dawngah oengcathli te hoeitlang hamla aka alh tangkiik khawdeng patangnathli te ahaw na, tetah Bawipa mahkah im kalawng tawng la awm – 4:12, 17.
 3. He awlcekna kah apoekna tah mami lawng muithla ah Pathen ningla n'hingpui u ham ni – athaan, 6.

II. Piter kah ca thut aphu awm natah Khrihthlaang hingna oen Pathen kah uktemna te haih bawngrep tih, Khrihthlaang hingna oen Pathen kah uktemna tah athloep thloep at la cet haih tite awng la awm – 1Pit,1:17; 2:21, 24; 3:15; 4:17; 5:5-8.

- A. Thumkhat Pathen tah Khrih dawngah aka san lawngzaw te apoeng tih, mami dawngah awm ham ah hing pekung Muithla la va coeng. He thaihu tah mami kah Khrihthlaang hingna hamla ni – Jhn, 1:14; 14:17; 1Kor,15:45b; 6:17.

- B. Tue pakhat khuiah thumkhat Pathen tah vaankhawhi kah suenkung oen ukkkung la awm toeng toeng huen – 1Pit,4:19.
- C. Mami he muithlaben hingna awm ham oen suen thai la awm ham Pathen kah cuunkoepna awm poen de catah, suenruem dawngah n'awm toeng toeng huen – Jhn,1:12-13; 3:3; 5-6; 2Kor,5:17.
 - 1. He kawng dawngah mami tah Pathen kah uktemnaben hoeitlangnathli te angoe – 1Pit,1:17.
 - 2. Khrihthlaang hingna aroengna ham atah mami lawng Pathen uktemna kah toeltham awlcekna te n'ngoe – 2:2; 4:17; 2Pit,1:5-7.

III. Bawipa Jesu diklai han a awm vengah Bawipa tah Pathenkah uktemna huiah pum boeihla aka awm thlaanghing hingna te ahingpui tih, Bawipa oen aka tuhpha soeprep boeih te Pathen kah uktemna toe nawn la awm - Jhn,6:38; 1Pit,2:21-23.

- A. Bawipa lawng atawng thekhanathli oen sungdeuhnathli boeih te Bawipa kah uktemna dawngah adoeng la aka boelrai kung aka doeng Pathen tengah nawn poepa la awm, Bawipa tah te Pathen teng mah oen mah te nawn u tih, te aka doeng athlaanghing dawngah ueppang tih Bawipa kah uktemna te a zaakming - athaan, 23.
- B. Pathen lawng thlaang la aka awm Khrih te poektheen apeek vengah, Khrih kah khuiben avangathalthli he Pathen oen haih pumkhat la awm tih, Pathen oen haih thouthlanna kalawng patoeng cangpui la awm - Saam,16:7; Isa,50:4.

IV. Khrih dawngah oengcathli oen Pathen cathli la mami tah Pathen kah uktemna huiah Khrihthlaang hingna te n'hingpui ham theen - Jhn,3:15; 1:12-13; 1Pit,4:13-19; 5:6-8.

- A. Piter kah capatthli tah khawdeng patangnathli kalawng patoeng aka boelrai Pathen kah uktemnaben hoeitlangnathli te khuen hamla mami teng aka coeng sakthai Khrih te awngla awm - 1Pit,1:6-8; 2:3-4, 19, 21-25; 3:18, 22; 4:1, 15-16; 5:8-9.
- B. Mami lawng aka hoeilena dungtue te aka ciim rihna dawngah khawkaan ham ni, hetah mami kah hingna moeiboe boeih dawngah n'ciimna ham mami maawt la awm natah aka theen, aka dung paihuen dawngah ni a awm - 1:15, 17.
- C. Mami tah Pathen kah uktemna te aka khuen Pathen kah thaa akaraa kut hui ah dungvoeng la n'awm ham ni - 5:6.
 - 1. Athaan 6 kah *tha akaraa kut* tah Bawipa kah awlcekna dawngah awlpui la huh la aka awm Pathen kah boelraina kut te thuingaihna la awm - 1:17; 4:17.
 - 2. Tha akaraa kut huiah dungvoeng la awm ham atah Pathen rangoen dungvoeng sak la awmna ni, tede mami lawng Pathen kah tlaihkoepna dawnagh bawngzawng haih tih, Bawipa kah thaa akaraa kut huiah aka dungvoeng, akaneem, kawpoek khueh ham ngaihna awm ham ni - 5:6.
- D. Mami kah lungbuihli te ueppangna oen aka soep sunkung tengah n'nawn ham ni - 4:19.
 - 1. Pathen lawng mami kah lungbui te akhoemdoen thai tih, Bawipa kah lungna oen uepawmna tah Bawipa kah uktemnaben boelraina dawngah asoeng cala bueh thawng khuituuk la awm.
 - 2. Pathen tah uktemna dawngah mami te awl n'cek vengah, Bawipa lawng lungna dawngah mami te uepawm la n'khuituuk, Bawipa kah toelthamnaben awlcekna te n'huhtawng vengah, mami kah lungbuihli te suenkung kah uepawm la khuituukna dawngah n'nawn ham ni - Matt,10:28; 11:28-29.

- E. Khrih kah duekna dawngah mami tah thawlnathli tengla n'duek coeng poen, tedengah Khrih kah thawhkoepna dawngah mami tah Pathen kah uktemna hui kah doengna toela n'hingpui thai la awm ai - 1Pit,2:24.
1. Pathen kah uktemna tah doengna sawah sak thil la awm (Saam,89:14a), Bawipa kah uktemna kakhui ah aka hing Pathen thlaangthli la mami tah aka doeng hingna te n'hingpui ham ni.
 2. *Doengna toe hingpuina* ati thuicaihna tah Pathen kah uktemnaben kuekna te soep sak ham oen tuhpha la awm - 1Pit,2:24.
 - a. Mami tah thlawn la n'awm u, tedengah Pathen kah uktemna huiah asoeng cala n'hingpui thai ai, thuingaihna tah Bawipa uktemna kah aka doeng kueknathli oen aka vaai lawngim dawngah n'awm ham ni.
 - b. Khrih kah aduekna dawngah mami tah thawlnathli kalawng hoep la n'awm u coeng poen tih, Bawipa kah thawhkoepna dawngah mami te hinghang sakkoep la n'awm poen, tedengah mami kah Khrihthlaang hingna dawngah mami tah Pathen kah uktemna huiah doengna toela pahoei n'hingpui thai la awm ai - Rom,6:8; Efe,2:6; JKhn,14:19; 2Tim,2:11.

Message Three

Piter kah capat thli dawng ka awm hingna oen Sakna

Teeham Caciim: 1Pit 1:18, 2:1-5, 9, 2Pit 1:3-4

I. Piter ca pat thli oen Baibul cabu a pumboeih kah alaklungkir poekna tetah hingna oen sakna la awm. 1Pit 1:23, 2:2-5, 2Pit 1:3-4

- A. Hingna hetah Khrih dawngah Bawipa a tuuengna thum khat Pathen la awm tih Muithla Ciim la n'zakming u coengah, mami kah awmngaih na hamla mami khuiah amah roe te sak ava kuunsak la awm tih, sakna hetah Pathen kah aka cuut a tuengna hamla Pathen kah a rooengna oen bou kau nala thlaangboel, Khrih-Takpum, Pathen kah muithla ben im la awm – Gen 2:8-9, 22, Math 16:18, Kolose 2:19, Efe 4:16.
- B. Hingna kah timu la Khrih tah mami khuiah aka awm hing tharaana la awm tih, hingna, Pathen koehbawk awmngaihna oen aka tuhkai thaihu boeih boeih te mami tengla avan bawmcem tih, tetah hingna kah a rooengna oen apungtaina kalawng ah patoeng hingna kah aka betoet becoeih paawkna oen hingna a tuuengna la thlaangboel te sakthaina hamla ni – 2Pit 1:3-4, thuinuet Celt 3:15, Hymns kawl 100 apalina.

II. Pathen kah kawltung tah aka hing lungtou thli oen sakla ka awm muithla ben im te dang hamla teni – 1Pit 2:5.

- A. Mami tengah hingna la ka awm Muithla Ciim tah aka rawk thai nawh aka haata thai nawh timu la awm. Pathen kah sakna hamla Bawipa tah aka hing lungtou la awm – 1:23, 2:4.
- B. Piter a thangthai vengah Bawipa lawng ahiah te Piter-Lungtou tila mingthai te a peek (John 1:42). Piter lawng Khrih tuhkai la awngna te dangla a awm vengah Bawipa lawng amah te aka bou lungtou la awm tite koekthoek a awng pela awm (Math 16:18). He thaihu pahih rang oen Piter lawngah Khrih oen Bawipa aka tangna thli pahih bawk tetah Pathen kah sakna hamla aka hing lungtou thlila awm tite poek khuuepna te a khueh (1Pit 2:4-8, Cel 4:11, Isa28:16, Zak 4:7).
- C. Khrih dawng oengca thlila ka awm mami lawng cuunkoepla oen muisam thawlengna kalawng patoeng Khrih muilawhna la aka hing lungtou thli la ng'awm u. Mami tah takbawl oen saila ng'awm u (Rom 9:21), tede cuunkoepla ng'awm vengah Pathen ben hingna timu te mami lawng n'dang u coengah, mami dawngah te lawng a rooengna rang oen mami te aka hing lungtou thli la muisam avan thawleng pe (1Pit 2:5).

III. Pathen kah sakna tah a hing dawngah tetah rooeng. Pathen imla thlaangboel kah a tak sakna tetah oengca thli kah hingna dawngah a rooengna rang oen ah teni – Efe 2:21.

- A. Pathen kah sakna ham hingna dawngah rooengna hamla tah mami lawng Bawipa te n'lungna u ham ni, mami muithla te awlpuila ng'khueh u hamla awm, hingna lawngpui dawng koekthoek ng'awm n u na thai hamla tharaana ng'khuehna boeih boeih oen mami kah thinkaw te caksak hamla awm – 1Pit 1:8, 2:2, 5, 3:4, 15, Phung 4:18-23, Deu 10:12, Mark 12:30.
- B. Khrih hingna te mami dawngah kanghalhna a awm muehla awmsakham n'ngaih u atah mami lawng thinglam kah reksakna, bawilenna kah Muithla Ciim la Khrih thaihu soeprep aka thum Muithla Ciim dawngah Khrih kah dueksakna duekla awmna te ng'huhtawng u ai, teah ni mami khuiah aka awm ahuiben kah tuuengsakla ka awm kanghalhna thli te hoeitlangna oen khoe na a awm thai ai – 1Pit 1:11, 4:14, Saam 139:23-24.

1. Khrih-thlaang pakhat la awmna hetah mami kah kawltung la Khrih coengah atloe ameang khawseh n'khuen nawhna teni. He hamla akanghalhna tetah hingna alawngim te m'ming nawhna oen Khrih te mami kah hingna la ng'khuen nawhna teni – Math 7:13-14, Fili 3:8-14, Kolose 3:4, Rom 8:28-29.
 2. Kanghalhna a pabena tetah thailat saa u na teni. Thlaanghing pakhat kah muithla benla awmna hetah dauben kah muisam rang oen nawh tih, ahin lawng Khrih te metila a khuenna (ahing puina) rang oen ni n'thui thai la awm – Math 6:1-6, 15:7-8, John 5:44, 12:42-43, Joshua 7:21.
 3. Kanghalhna apa thumna tetah tukna teni. Mami lawng bibi thli saina dawngah broe nawh n'hinghang u tih tha huerna n'khueh u mai ai, tede Bawipa te aka ming nawh angla saina rang oen mami khuiah aka awm aka hing Khrih te thawngim thlaakna oen awlngaaina aka khueh nawh la ng'awm u huen mai thai – Deu 14:9, 14-18, 11:1-2, 46-47, Rom 16:17, 1Kor 15:33.
 4. Kanghalhna apalina tetah mami kah pumsaben saithaina te ni. Hekah pumsaben saithaina thli lawng mami dawngah arek nawh la a awm huen atah Khrih hingna hamla a raina la va awm ai – 2:14-15, 3:12, 16-17, Juda 19, Deu 10:1-2.
- C. Pathen kah sakna ham hingna dawngah rooengna hamla tah mami lawng “ral u na, thailatna, thuhphahna, uuetna thli oen thuithetna thli boeih boeih” te n'cehtak u hamla awm. 1Pit 2:1.
- D. Pathen kah sakna ham hingna dawngah rooengna hamla tah mami lawng thailatna aka awm nawh Pathen awlciim suuktui oenah cawmcahna a awm hamla ni – athan 2.
1. Thailatna aka awm nawh suuk tui tetah Pathen awlciim dawngah thuum tih, mami kah poekthaina la ka awm mingna kah zakmingna kalawngah patoeng mami kah khuiben thlaang te acawmcah coengah mami kah lungbui ben saithaina rang oen arawina tiipsakna va awm - Rom 8:6, Deu 11:18.
 2. Cuuncahna awlciim suuktui tetah mingna kalawngah patoeng lungbui hamla awm de catah, te lawng hukhueng atah muithla te a cuuncah a bawmcam tih mami te lungbui benla ng'awmsak tlaih ouhla muithla benla ng'awmsak coengah Pathen kah muithla ben im te sakna hamla atuethen a awmsak – 1Kor 2:15.
 3. Awlciim suuktui te ng'awmngaihna hamla tah a awl dawngah thenna oen ah haih Pathen te teng hamla mami lawng thangthuina a tloetloe oen a awl te tuep tuep poekna rang oen a awl te n'dou u hamla ni - 1Pit 2:3, Efe 6:17-18, Saam 119:15,23,48,78,99,148.
 - a. Awlciim te tuep tuep poekna ti hetah, tete ngaithuen khuituuk rui oen teng ham, awmngaih huhtawng ham te ni – 1Pit 2:2-3, Saam 119:103.
 - b. Thangthuina, mah oen mah awl thuina oen Bawipa koehna thli tekhawseh awlciim tuep tuep poekna dawngah a thuum hamla awm. Awlciim tuep tuep poekna hetah “ram oelh naihna” la awm tih, tuep tuep poekna thli oen Pathen awlciim te dou nala awm – Deu 11:3.
 4. Awlciim dawngah cuuncah bawmcamna suuk tui la Khrih te caakna rang oen mami tah aka soep thlawinna dawng bawilen tuuengna hamla muisam thawlengna kalawng patoeng haamkhuek na toela n'rooeng u. 1Pit 2:2 dawng kah thlawinna tetah Pathen kah sakna hamla muisam thawlengna a kawnglam la awm.
 5. Mami lawng cuuncah bawmcamna n'dang hamla “suuktui-Khrih” te ng'awmngaih n'huhtawng u, teah ni “lungtou-Khrih” la Bawipa rang oen muisam thawlengla ng'awm u tih, “Takpum-Khrih” la sakla ng'awm u coengah, aka ciim tlaangbawi paihuen khuila Pathen kah muithlaben im la ng'awm u thai poen ai – athan 2-4, 1Kor 12:12-13.

IV. Aka ciim tlaangbawi paihuen, tlaangbawi thli kah thikatla doetlet bisaina takpum tetah sakla aka awm muithla ben im la awm. Pathen lawng Bawipa a awmna hamla muithla ben im oen Bawipa te bibisaina hamla tlaangbawi ben kah takpum, aka cuut u tlaangbawi paihuen te akawngaihna ni - 1Pit 2:5, Exo 19:5-6.

- A. Mami tah “tuekla ka awm thlaangphuen, phuensang tlaangbawi, aka ciim thlaangphuen, khuehtoen ham aka tlaak thlaangthli la ng’awm u” (1Pit 2:9) – tuekla ka awm thlaangphuen tetah Pathen teng kalawng mami n’law nate a thui ngaihna tih, phuensang tlaangbawi phuen tetah Pathen tengla mami kah tuihzoeih bisaina te a thuinuet coengah, aka ciim thlaangphuen tetah mami lawng Pathen hamla thlaang thloepat la ng’awmna te a thuinuet tih, khuehtoen ham aka tlaak thlaangthli tetah Pathen tengla mami kah aphu a awmna te a thuingaih na.
- B. Mami kah aka cuut tlaangbawi la tuihzoeih bisaina hetah mami te zinna khui kalawng kawpoek rai Bawipa kah a angna khuila aka maawt kung Bawi kah a thenna thli te awlthangtheen la thuiphawng ham tih (athan 9), tetila te mami lawng “Jesu Khrihrang oen Pathen lawng a dou hamkoei muithla ben luciik thli te nawwna” te a awm thai ai (athan 5b). He muithla ben luciik thli tetah
1. Awlkhueh ruem thuinuetna thli la ka awm huih thluut nawwna, pawlnengna thaihu nawwna, takaawi vaai nawwna, thawlh thihu nawwna oen athlek thaihu nawwna he thli la ka awm thaihu nawwna boeihboeih kah a soeng nala ka awm Khrih – Lev 1-5.
 2. Mami kah awlthangthen thuiphawngna rang oen thlawwna a dang u tih, Khrih kah a pum-beek thli la nawn la ka awm thawlh ca thli – Rom 15:16.
 3. Mami kah pum, mami kah koehbawkna thli oen Pathen hamla mami lawng n’sai thaihu soeprep la awm – 12:1, Heb 13:15-16, Filipi 4:18.
- C. Bawipa tengla mami kah tlaangbawi paihuen ben tuihzoeih bisaina boeih lawng “aka tahkung Pathen” la Bawipa teng kalawng akung n’tawng u hamla awm tih, mami teng kalawng akung n’tawng u manawh. Mami kah tlaangbawi bibi saina boeih boeih tah Bawipa kah maawtna oen tungep pena angla a awm ham coengah, Bawipa kah a duekna te mami dawngah tlaihawng ham a tue m’peekna oen teah Bawipa kah a thawhkoep hingna lawng mami dawng kalawng patoeng thlaang tloe thli khuila rekraa thai la va awm ai – 2Kor 10:13, John 12:24, 21:15-22, 2Samuel 7:18, Luka 1:37-38, Hymn# kawlaabu 632.

Message Four

Khrih kah Muilawh Pungtai la Awmna oen Mami Lungbuithli kah Tuudoenkung la Khrih te Huhtawngna

Teeham Caciim. 1Pit. 2:21-23, 25; Matt. 11:28-30; Fil. 1:27; 2:2

I. Khrih dawngah oengcathli la mami tah mami kah dankoei la Khrih kah muilawh pungtai nala n'coeng u ai – 1Pit,2:21.

- A. Pathen kah uktemna huiah Bawipa Jesu kah ahingna tah daankoei la awm, tedengah mami Bawipa kah muilawh pungtai coengna rangoen Bawipa kah khawleh n'thuih thai ai – athaan,21-23; Efe,4:20-21.
- B. 1Pit,2:21 kah *daankoei* hamla Grik awllung tah cathui cangna dawngah ahawna acuek cathut-kutteel cathut, cadanh thutna pakhat te thuingaihna la awm tih, sengcamoe thli lawng cathut ham acangna ah te adanhna sawah athutna vengah haw nala awm.
 1. Bawipa Jesu lawng ahingna te mami haai ah avan khuehna tah mami lawng khawleh thuihna rangoen muilawh thaina ham cadanh la khueh la awm – Matt,11:28-30.
 2. Pathen kah mengtengna tah mami lawng mah oen n'mah thahuer zawmna rangoen Khrih te ooet ham nawh ni, mami lawng n'ngoe thaihu tah dauben ooetna nawh tih muilawh pungtai nala n'awm ham ni – Rom,8:29; 2Kor,3:18.
- C. Mami tah Pathenben hingna kah abawinathli akathuum lawngzaw rangoen Khrih kah muilawh pungtaina, Khrih kah muilawhthli (meihtuu) la coeng ham angoe. He lawngzaw soepbirna a awm vengah, mami tah Khrih kah muilawh pungtai la n'awm u ai – Jhn,3:15; Efe,3:8.
- D. Muilawh (Meihtuu) saina te Piter lawng thui la aka awm Khrih tah mami kah daankoei la awmna te atueng sak ham ahaw nala awm.
- E. Mami kah daankoei la Khrih kah muilawh pungtaina la coeng ham atah, mami lawng Khrih te mami dawngah aka hing thlaang, mami dawngah mui tuengkoer tih, mami kah thinkawthli dawngah im aka sakung la n'huhtawng ham ni – Gal,2:20; 4:19; Efe,3:16, 17.
 1. Awlkhueh thai cabu lawng Khrih tah mami kah khuiben coengna oen adung la tuhpha tite phawng la awm - Gal,1:16; Kol,3:10-11.
 2. Nuematik Khrih - hing pekung Muithla la Khrih - tah mami dawngah hing khaw asak - 1Kor,15:45b, Gal,2:20.
 - a. Pathen kamthlahna ati hetah "kai" tah Khrih kah duekna dawngah ka duek tih, Bawipa kah thawhkoepna dawngah Khrih tah mami dawngah hing khaw asak nala awm - Khn,14:19.
 - b. Mami tah Bawipa oen haih muithla pakhat la n'awm u, Bawipa oen haih hingna pakhat la n'awm tih, tahe mami tah Bawipa oen athlaanghing pakhat la n'awm ham ni - 1Kor,6:17; Kol,3:4; Fil,1:21a.
 - c. Khrih tah Muithla la mami ah a awm dawngah, Bawipa te mami dawngah hing khaw asak ham huen n'peek ham ni - Jhn,14:16-19; Gal,2:20.
 3. Mami dawngah Khrih mui atuengkoer natah mami ah Khrih betooet la aroengna ni - 4:19.
 - a. Mami lawng thawlh n'zut tih, Bawipa dawngah n'tangna vengah Khrih tah mami khuiah cuunkoep la awm. Te coengah mami kah Khrihthlaang hingna ah Khrih tah mami dawngah hing tih, hukhueng atah mami n'hamkhuek vengah, Bawipa tah mami ah mui tuengkoer la awm ai - Jhn,1:12-13, 3:15; Gal,2:20, 4:19.

- b. Mami dawngah Khrih mui tueng sak ham tina tah soeprep akathuum Muithla te mami khuiben coengna kah avangathal rooek te naa sak ham tue theen peekna, mami dawngah Khrih betooet la n'roeng sak te ni - Kol,2:19; Efe,4:15-16.
 - c. Mami dawngah Khrih mui tueng ham atah mami Khrih oen n'coengna tuhtawmnaben dawngah tuhtawm haihna te thuingaih la awm - Kol,3:10-11.
 - d. Galatia 4:19 kah *muituengkoerna* tah 2Kor,3:18 kah *muisam* oen vaai la awm. Khrih tah mami dawngah muisam atueng dengah ni, Bawipa kah mjuisam dawngah mami lawng Bawipa te n'tueng sak thai la awm ai.
4. Mami dawngah hing tih, mami dawngah muisam aka tuengkoer Khrih tah mami kah thinkawthli dawngah Bawipa amah im te a sak - Efe,3:16-17a.
 5. Khrih tah mami dawngah hing khawsakna, mami dawngah muisam atuengna, mami kah thinkawthli dawngah im sakna a awm oen pahoei mami tah Pathen te aka cuut tuengna hamla Khrih kah muilawh pungtaina la n'coeng u - Rom,8:29; 12:4-5; Awl,21:2.

II. Mami tah Khrih kah muilawh pungtaina la n'phana oen pahoei Khrih te mami thinkawthli kah tuudoenkung la n'huhtawng tih, n'awmngaih u thai - 1Pit,2:25; Matt,11:28-30; Fil,1:27; 2:2.

- A. Mami lungbuihli kah tuudoenkung la, pneumatik Khrih he mami kah khuiben paihuen te a bueh thawng tih, mami khuiben coengna kah atuatang te a khuituuk la awm.
 1. Khrih kah aka hing doencangna tah awlpui la mami kah lungbui te akhuituuk - Saam,23:3.
 2. Khrih tah mami lungbui kah atheen nate khuituukna rangoen khawseh, mami khuiben coengna paihuen sawah Bawipa kah buehthawngna rangoen khawseh mami te n'khoemdoen - cf, Heb,13:17.
 3. Hetila khoemdoen natah khuiben la aka awm, acuekben la aka awm, akahing ngaikhuek sakna la awm.
- B. Mami kah lungbui tah tum palau aih dawngah, mami kah muithla dawngah hing pekung Muithla la aka awm Khrih te mami kah lungbui ah mami te khoemdoen sak ham, mami kah mingna, khansana, ngaihna oen mami kah arainathli, ngoengaihnathli oen banghathli te khuituuk ham angoe - Jhn,14:16-17; 1Kor,15:45b; 6:17.
 1. Mami kah pneumatik tuudoenkung la, Khrih tah mami kah muithla khui kalawng mami te n'khuituuk.
 2. Bawipa kah doencangna tah mami kah muithla kalawng tawng tih, mami lungbui kah avangathal toe karh hang.
 3. Mami kah muithla kalawng Khrih tah mami lungbui kah avangathal boeih toe kuun tih, mami te aka neem, aka hing, soeprep akathuum lawngim dawngah khuituuk la awm.
- C. Mami lungbuihli kah tuudoenkung la, Khrih tah mami kah lungbui te thaapeek koep la awm - Saam,23:3a.
 1. Mami kah lungbui te thaapeek koepna ti hetah mami hinghang la n'awm ti thuingaihna ni.
 2. Mami lungbui te thaapeek koepna dawngah athai tlaihkoepna oen mui thawlengna khaw thuum - Rom,12:2; 2Kor,3:18.
- D. Mami lungbuihli kah tuudoenkung la, Bawipa tah mami kah lungbui te duuemna apeek - Matt,11:28-30.
 1. Bawipa lawng aana phung te azawm tih aka khoemdoenthli nawhatah bibi pakhat khat te acoeng thai ham aka zawm thlaaangthli Bawipa mah tengla duuem ham akhue - athaan,28.

2. He duuemna tah aana phung nawhatah bawkna phung nawhatah bibi pakhat khat nawhatah bibi peekna kakhui ah thalrih patangna kalawng loeih sak bueng mueh la, akasoep ngaimawngna oen aka betooet ngaikhuekna khaw thuingaih la awm.
 3. Bawipa kah phui te phuihna tah Pa kah kawngaih te khuenna la awm - 12:50.
 4. Bawipa tah Pa kah kawngaih rangoen tungepna oen te bueng te aka khuituuk hingna te ahingpui (Jhn,4:34; 5:30; 6:38). Bawipa tah Pa kawngaih oen betooet la ngaikhuekna adang tih, a thinkaw dawngah duuemna awm.
 5. Bawipa kah phuih te phuih tih, Bawipa teng kalawng cangna rangoen dang la aka awm duuemna tah khuiben duuemna, mami lungbui ham duuemna la awm - Matt,11:29-30.
- E. Bawipa lawng mami kah lungbui te khoemdoen tih, mami kah lungbui te thaapeek koep la a awm dawngah, mami lawng Khrih huhtawng bueng mueh la, Bawipa n'awmngaihna khawseh n'khueh u - Fil,2:2; 3:1a.
1. Khrih huhtawngna tah awlpui la mami muithla kah kawng la awm de catah, Khrih awmngaihna tah mami lungbui dawng kah la awm - 1:27; 2:2.
 2. Mami lungbui ah araina awm kawi nih, mami lawng Khrih te n'awmngaihna awm nawh tih, Khrih te n'huhtawng thai mai.
 3. Khrih oen tuhkai tih, mami kah atuina tah awlpui la mami lungbui kah la awm. He kawng dawngah Khrih te awmngaihna ham atah mami lawng lungbui kah avang athal rooek, awlpui la mami kah mingna te doencang ham Bawipa te n'ngoe nala awm.

Piter kah Capatthli dawng Aka Awm Lungvatna

Teeham Caciim. 1Pit,1:2b, 10, 13; 2:19-20; 3:7; 4:10; 5:5, 10, 12; 2Pit,1:2; 3:18

- I. Lungvatna tah mami kah awmngaihna la aka awm Khrih amah ni – lungvatna tah hing pekung Muithla la thawhkoep Khrih lawng Bawipa amah te mami tengah azoe peekna, mami tengah soeprep la awmna oen mami dawngah, mami dawng kalawng patoeng, mami hamla soeprep te bisaina la awm – Jhn,1:14, 16-17; Isa,55:1; 2Kor,1:8-9, 12; Gal,2:20; cf,1Kor,15:10.**
- II. Lungvatna pughtaina tah mami kah hinrooek hingna dawngah Pathen te asoep cala mingciimna, mami Bawipa Jesu te asoep cala mingciimna dawngah aka pughtai lungvatna la awm. Bawipa kamthlahna dawngah Pathen kah lungvatna tah betooetna, pughtaina oen becoeihna awm – 1Pit,1:2b; 2Pit,1:2; Jhn,1:16; Efe,1:6-8; 2:7; Rom,5:17; 1Tim,1:14; Awl,22:21.**
 - A. Lungvatna tah mami kah kahwdeng patangnathli, riimawngnathli oen thazawlnathli kalawng patoeng mami tengah pughtai la awm. Lungvatna tah mami kah phuih te aka phuikung la Khrih la awm. Mami ah bibi huutna zahawh tare, Khrih te lungvat nala huhtawng ham atuethen zahawh tare la awm – 1Kor,12:7-9; cf,1:12, 15.
 - B. Lungvatna la Bawipa te awmngaihna tah Bawipa aka lungna thlaangthli oen awm haih – Efe,6:24; Jhn,21:15-17; 1Pit,1:8.
 - C. Bawipa kah Pathenben acoengna oen lungvatna la awmngaihna tah Bawipa kah lungvatna awl te mami lawng n'dangna oen te ah awmpoena rangoen tih, te ah Bawipa kah phu aka awm, broe aka bou awlkamnathli boeih te thuum – Cel,20:32; 2Pit,1:4; Efe,6:17-18.
- III. Awlkhueh ruem kah Parofetthli lawng mami teng avan pha ham lungvatna oen tuhkai tih awl ana phawng u – 1Pit,1:10.**
 - A. Awlkhueh ruem Parofetthli dawngah Khrih kah Muithla tah Khrih oen tuhkai tih Bawipa kah thlaanghing coengna, thlaanghing hingna oen thinlamtah duekna ah Bawipa kah khawdeng patangnathli, thawhkoepna, aluina, apabe lawkoepna oen mami teng Pathen kah aka soep thlawinna te khuen hamla uktemna dawngah Bawipa kah bawilennathli kalawng patoeng mami tengah lungvatna oen tuhkai tih hethli te zaakming aciim sak - athaan,5, 9-10; cf,Saam,22; Isa,53; Dan,9:26.
 - B. Khrih kah MUithla tah awlkhueh thai tue vengah Khrih kah aduekna oen thawhkoepna kalawng patoeng, te oen haih dung tueben tuhtawmna la awm de catah (Jhn,7:39; Rom,8:9-10), te-Muithla kah tatvuet bisaina trah dungzan la awm, metitiah Bawipa tah dungzan Muithla la awm dawng ni (Heb,9:14).
 - C. Bawipa kah dungzan bisaina ah Khrih kah Muithla tah awlkhueh ruem Parofetthli dawngah awm tih, Khrih oen tuhkai tih, awlkhueh thai oengcathli tengah aka soep thlawinna kah soeprep aka betooet, riimawng aka awm nawh lungvatna la alaw ham kawng, tetah hethli kah lungbuithli thlawn la aka awm ram dung ah Bawipa te awmngaihna khui toe hethli akuun naham la tite zaakming ciim sak - Jhn,1:Heb,10:29b; 1Pit,1:9; Matt,25:21, 23.
 - D. Khrih kah Muithla tah lungvatna la Pathen kah aka soep thlawinna te ahawpaaina pahih rangoen mami teng avan khuen - awlkhueh ruem Parofetthli kah awlphawngna oen awlkhueh thai celtuihthli kah thuiphawngnathli la awm - 1Pit,1:10-12; cf, Awl,2:7a.
- IV. Oengcathli lawng hemi kah ngaiuepna te soep cala aka dang lungvatna tah Jesu Khrih aphouna dung ah oengcathli teng khuen la awm ai - 1Pit,1:13.**

- A. Jesu Khrih aphouna dung ah mami teng khuen la aka awm lungvatna tah Pathen kah aka betooet thlawna kah asoepbir nala lungbui kah thlawna te thuingaih la awm - athaan,5, 9-10.
 - 1. Khrih dawngah mami teng peek la aka awm lungvatna tah diklai suen thlan veng kalawng mami sawah peek la awm poen - 2Tim,1;9; Tit,2:11.
 - 2. Acuekca ah aka awm Pathen tah atue ah lungvatna la thisa la va coeng tih, tetah thlaang lawng dou ham, dang ham oen awmgaih ham la ni -Jhn,1:1, 14, 16-17.
 - 3. Patoeng toeng aka poeng thumkhat Pathen, soeprep aka thuum, hingna aka pe, aka awm poe Muithla la aka soepbir kung tah mami kah muithla oen haih lungvatna kah Muithla la va coeng - 1Kor,15:45b, 2Kor,3:17; Heb,10:29; Gal,6:18; Fil,4:23.
- B. Hin at coeng hinat mami tah lungvatna te boetouh la dang ham aka awng sangkoeithli n'awm tih, mami kah ngai uepna te he lungvatna sawahb pum boeih la, soep cala n'khueh ham ni - Rom,5:17; 1Pit,1:13.

V. 1Piter 2:19-20 kah *Pathen oen haih aka awm lungvatna* tah mami khui kah Pathenben hingna kah tanawtna oen mami kah hingpuina dawngah tekah tuengna te thuingaih tih, tetah mami kah moeiboe dawngah thlaanghing haai Pathen haai ah kawdawna oen kawdungna la va coeng.

- A. Mami kah awmgaihna hamla patoeng toeng aka poeng thumkhat Pathen la aka awm lungvatna tah Pathen oen haih beroep cala pawlengna oen Pathen te huhmingna dawngah mami khuiben tanawtna oen dauben tuengna la awm. Mami boeih lawng lungvatna te metih dhangham, tetah lungvatna te lawh ham, dawng ham, hawpaina ham oen lungvatna te khuen hamla n'cang u ham ni - Heb,12:28.
- B. Mami n'dang tih n'awmgaihna lungvatna la patoeng toeng aka poeng thumkhat Pathen tah mami kah aka ciimhingpuina oen thlangboel tuunnathli ah thlaangtloethli huh ham tuengkoerna la awm - Cel,11:23.
- C. Mami tah khawdeng patengna tiimah lungvatna la Khrih te awmgaihna ham oen teung sak ham la khue la n'awm u poen, tedengah mami tah Bawipa kah Pathen-thlaang hingna angla mami kah daankoei la Khrih kah muilawh, pungtaina la n'awm ai - 1Pit,2:20-21.

VI. Hingna kah lungvatna tah thaa akaraa khawseh thaa akazawl khawseh oengcathli boeih kah rou la awm - 3:7.

- A. Hingna kah lungvatna tah Bawipa kah Pathenben thumkhat Pathen coengna dawngah mami teng hingna oen hing bawmcemna la aka awm Pathen ni - Pa tah hingna kah kungpui la awm tih, Capa tah hingna kah lawngpui la awm coengah, Muithla tah hingna kah laawngna la awm tih, mami tengah lungvatna la Capa oen Pa oen haih mami khuiah va laawng - Jhn,7:38-39; Awl,22:1.
- B. Mami tah hingna kah lungvatna te rou aka pang ham rou pang cathli oen hingna kah lungvatna te sang ham sang koei hawpaaithli la n'awm u - 1Pit,3:7; Efe,1:14; 2Kor,4:7.

VII. Pathen kah phun phun la aka awm lungvatna tah apahun phun coengna dawngah thlaangciimthli lawng khat oen khat tengah Pathen lungvatna kah abawinathli te thuingaihna la awm - 1Pit,4:10.

- A. Pathen kah phun phun la aka awm lungvatna tah hingna kah betooet bawmcem nala awm tih, tetah mami khuiah muisam zahawh la bi aka bi thumkhat Pathen la awm - 2Kor,13:14; 12:9.
- B. Mami tah Pathen kah aphun phun la aka awm lungvatna kah aka theen kaawn kuemkungthli la awm ham angoe tih, Pathen kah awlphawngthli la lungvatna awlthlik te thuiphawng tih, Pathen lawng n'bawmcem lungvatna kah thaaraana oen saithaina oen haih bisai ham ni - 1Pit,4:10-11; Luk,4:22; Efe,3:2; 4:29.

VIII. Pathen lawng aka kawdaw thlaang te lungvatna apeek tih, aka ooek u thlaang te a oelh - 1Pit,5:5.

- A. Thlangboel hingna dawngah mami boeih lawng khat oen khat tengah kawdawna rangoen mah oen mah hingceen zeen ham angoe, tedengah Pathen te lungvatna aka pekung la awmngaih thai huen ai - cf,Jhn,13:3-5.
- B. Kawdawna tah rawksakna phun soeprep khui kalawng mami te n'thlawn tih, Pathen kah lungvatna te avan law pui, ooekna tah mami te aka ngaukoek n'coeng sak - Jak,4:6; Saam,138:6;Tatuk,29:23.
- C. Mami tah bawipa kah toelthamna dawngah Pathen kah thaaraa kut hui ah kaw daw ham, kakhui la awm ham ngaihna n'khueh tih, mami kah hingna oen tekah lakueng rihnathli te Pathen sawah n'tlooeng ham ni, metitiah Bawipa tah mami te lungna oen uepawm cala n'khuituuk dawngah ni - 1Pit,5:5-7; cf, Saam,55:22.

IX. "Aka Soeprep lungvatna kah Pathen" - oengcathli te Bawipa kah dungzaan bawilenna khuiah aka khuen kung - tah hethli kah khawdeng patangnathli kalawng patoeng soepsakna, caksakna, thaapeekna oen tluep nepna la awm. He "aka soeprep lungvatna" tah "Pathen kah aka soeng lungvatna" la awm tih, te khuiah oengcathli kuun tih, te ah hethli lawng apai ham la awm - 1Pit,5:10, 12.

X. Pathen kah aka soeng lungvatna tah mami kah bawipa oen thlawnkung Jesu Khrih te mingciimna oen haih oengcathli lawng tihin oen dungzaan dung toe la Bawipa kah bawilenna toe aka roeng u ham lungvatna la awm - 2Pit,3:18.

- A. Hetah Celtuih Piter kah cathut aboetna awl la awm tih, ca athutnathli boeih tah Pathen kah lungvatna kah thaihu, teah, te rangoen, te kalawng patoeng tite thuinuet nala awm.
- B. Pathen kamthlahna kah lungvatna athoengna tah vaandawng thai oen diklai thai ah Pathen doengna kah asoepbir nala Jerusalem khawthai la coeng ham Pathen kah thlouthlai la Khrih kah takpum la awm - Efe,2:7-10; 2Pit,3:13.
- C. Mami lawng awmngaihna hamla Pathen lungvatna kah abawinathli, Pathen amah kah betooetnathli tah riimawng aka awm boeih te apoeng tih, dungzaan dung khuipuer tuengkoer sak la awm ai - Efe,2:7.

**Pathen kah acoengna dawngah akathumthli oen
Dungzan aran khuiah betoetna oen kunna hamla
Pathen kah hinghna oen Pathen kah a coengna te aroengsakna**

Caciim tee ham. . 2Piter 1:1. 3 :18

**I. Phu aka awm oengna te van at la ka dangthli hamla Khrih dawngah oengna
kakhuehthli mami lawng Pathen kah a coengna te akathum thlaang la awm hamla
angoe – 2Pit 1:4**

- A. Pathen kah coengna tah Pathen kah a coengna thaihu, tetah Pathen a coengma kah betoetnathli, a coenghnathli oen tawmbennathli te athui ngaihna – John 4:24, 1John 1:5, 4:8, 16.
- B. Pathen hingna oen Pathen ah a coengna te pekbou thainawh thaihu la awm. Pathen kah a coengna tah Pathen hingna kah apouh lipna la awm tih, tetah Pathen hingna khuiah awm – 1:1-2. 5:11-13.
- C. Pathen kah cathli la ka awm Pathen thlaangthli tah Pathen kah cum la ka awm mami tah Pathen kahhingna oen Pathen kah a coengna te ng'khueh u tih, Pathen kah cangthli dawngah katumthli la ng'awm u - :1, John 1:12-13.
 - 1. Mami kah cun thaina dawngah atloe a coengna te mami khuiah van rekraa la awm. He thaihu te Pathen kah a coengna, Pathe kah a hingna la awm – 2Pit 1:4.
 - 2. Pathen kah a coengna tah Pathen kah hingna dawngah a awm dawngah mami kah cunthai la ka awm Pathen kah hingna te khuiben ah Pathen kah a coengna awm – John 3:3, 5-6, 15.
 - 3. Pathen Capa khuiah oengcathli boeih tah Pathen kah cun la awm utih, Pathen kah cala awmna hamla adang. Te dawngah oengca pakhat lawng Pathen kah coengna dawngah thaumthaina hamla, awmngaihna hamla atuethen adang- 1:12-13
- D. Pathen kah coengna dawsngah katumthli tah Pathen kah a coengna te a awmngaih pui tih, Pathen kah a coengna dawngah katum thlaangthli la awm u – 2Pit 1:4.
 - 1. Pathen kah a coengna dawngah thumna tah Pathen kah a coengna hihu dawngah ka awmngaih thlaangla awm. Pathen kah coengna dawngah thumna tah Pathen coengna kah betoetnathli, pouh lipnathli oen tawmbennathli dawngah katum thlaangthli la awm u – 1Pit 1:8.
 - 2. Mami lawng Pathen kah a coengna dawngah katum thlaangthli la awm hamla ng'ngaih atah Pathen kah coengna la ka awm khuiben Pthen hingna rangoen hing hamla angoe – John 1:4, 10:10, 11:25.
- E. Mami lawng Pathen kah phu katlou, akabou awlkhuehnathli kalawng patoeng Pathen kah coengna betoetnathli te ng'awmngaih pui u – 2Kor 12:9, Mat 28:20b, Efe 3:20.
- F. Pathen kah coengna dawngah katum thlaangthli la awm hamla alan atang pakhat awm. Teth hue ngaihna rangoen dilai ngaihna dawngah thawlhna kalawng mami loeih hamla angoe. Mami lawng loeihna oen thumna, thumna oen loeihna kah kungkur khuiah hing hamla angoe – 2Pit 1:4.
- G. Mami lawng Pathen te ng'awmngaih pui tih, Bawipa kah coengna la ka awm betoetnathli dawngah thum hamla ng'ngaih atah mami he Pathen kah coengna oen n'tawmben u vetih, Lu paihuen ah muehla hingna oen a coengn dawngah Pathen oen m'vai u tih, mami kah n'coengna boeih, n'sai thaihu boeih dawngah Bawipa te tuengsak hamla ni – athan 3.

H. Mami lawng Pathen kah coengna dawngah thumna, Pathen kah apou lipnathli boeih te ng'awmngaih u vena Pathen kah betoetnathli tea than 5 - 7 toe a tuengsak angla asoepbir la roeng poen ai.

II. Mami tah mami khuiah cangti aheh poen dawngah Pathen kah cangti dawngah kathum thlaang la, Pathen hingna oen Pathen coengna kah a roengna te huhtawng hamla angoe. Teah ni mami lawng dungzan aram khuiah betoetna oen kun thaina ate n'dang u thai ai – athan 1,4,-11.

- A. Mami lawng kawpek rai la ka awm, kawai u aphu katlou oengna te rekraa la a awm poen dawngah hekah oengna he soeprep kathum cangti la awm- athan 1.
1. Pathen kah betoetnathli boeih te hekah cangti dawngah thum, Tede mami lawng tekah cangti te aroengna hamla thahuer hamla angoe. Hamkhuek toela roengna tah mami dawngah ka awm thaihu te a roengsakna la awm – athan 1-8. 3:18.
 2. Hekah athennathli he n'roengsakna rangoen mami hingna dawngah n'roeng utih, hukhueng atah haamkhuek toela m'pha u vetih, Khrih oen m'betoet u ai. Kalaw ham koei aram dawngah sengpahrang thli la awm ham, thoemthaina oen kabe thlaangthli la ng'awm poen ai – Efe4:13-15, Kl 2:19, 2Pit 1:11.
 3. Mami tah onga cangti kalawng thenna oen cuihna mingna azungthli, mah oen mah tungepna akungpui, uehna oenPathen dawngah awmngaihna, abeekthli, miamanau khat oen khat lungna oen lungna dawngah apai paina oen athaih thaihna toe betoet la roengna oen ham khuek toela roeng hamla angoeathan 5-7.
- B. Oengna dawngah thenna lawng abwmcemna tah van at la aphu ka awm oengna te thuek dangna dawngah athenna te arong hamla ni. Pathen hingna kah tharaana tah tharaana betoet la ka awm bisaina dawngah aka thoeng la awm. Hekah oengna he thuekdang hamla angoe. Teah ni Pathen hingna kah thenna te ahula kalaw ham koei alan atang dawngah roeng tih, ham khuek toela apha thai p[oen ai – athan 5.
- C. Thenna lawng Pathen oen ami kah Bawipa Jesu te mingna dawngkah betoetnathli oen bawmcem hamla angoe. Mami kah thenna dawngah karoengsak kung mingna te Pathen oen mami kah thlawn kung te mingciimna, Pathen kah kamthlahna te mingciimna, oengna tea me ang thaihu tite mingciimna oen Pathen kah tharaa, thenna, a cvoengn oen hingna te mingciimna hethli he thum athan 5b
- D. Mah oen mah tungepna tah thlaang pakhat lawng mah kah kaai tikah kawpoek sangna, ngaihnathli oen khawboethli dawngah tungepna oenboetna te thuwk dangna la awm, Tetila mah oen mah tungepna tah hingna dawngah asoeng cala roenga hamla mingna dawngah thuwekdang hamla angoe - athan 6b.
- E. Uehna te thuekdangna tah thlaangthli tekhaw, paihuenthli boeih dawngah khaw uehna la awm – athan 6.
- F. Pathen dawngah awmngaihna tah Pathen angla ka awm Pasthen akatuengsak, hingna la awm athan 6.
- G. Miamanau khat oen khat lungna (Filla delfia) tah miamanau khat oen khat lungna, awmngaihna rangoen atuengsak lung vatna la awm. Pathn tuengsak na dawngah ka awm awmngahna dawngah hekah lungna tah miamanau hamla, dilai thlangthli hamla mami he sausi la awm ham, athaih athaih na hamla bawmcemna zahawh angoe – athan 7a, 1Pit 2:17, 3:8, Gala 6:10, Jhn 13:34-35. 15:16-17.
- H. Mami dawngah ka awm Pathen coengna aboet toela a roengna tah lungna, (A kapee) la awm tih, tetah awlkhueh thai dawnga Bawipa kah acoengna dawngah Pathen la ka awm Pathen coengna kah lungna dawngah a hawna Grik mawllung la awm – 2Pit 1:7b, 1John 4:8, 16.
1. Mami khat oen khat lungna tah tare aruep awm tih, akasang lungna khuiah a roeng hamla angoe – 2Pit 1:7b.

2. Pathen kah a coengna te mami lawng awmngaihna dawngahmami lawng n'rekraa u oengna kah Pathen benkah cangti te tare kasang lungna dawngah soepbir toela roeng hamla angoe athan 5-7.
 3. Mami lawng pathen kah a coengna dawngah aboet toela n'thum u atah mami lawng lungna a ka awm Pathen oen m;be u vetih, mami tah lungna kah thlaangthli la lungna la ng'awm u ai – Efe 3:19.
- I. Pathen hingna dawngah muithla ben tennathli te a roengsak tih, Pathn hingna a roengna dawngah a roengna tah Pathen lawng mami ng'khuena oen n'tuekna te athaih n'then saik tih n'cak sak – 2Pit 1:10.
- J. Mami lawng dungzan aram khuiah betoetna oen kunthaina hamla Pathen hingna oen a coengna dawngah n'roeng ntih tha huer hamla angoe – athan 10-11.
1. Pathen hingna oen Pathen coengna kaha roengna dawngah mami lawng ng'awmngaih u betoet la bawmcemna dawngah (athan 3-7) mami Bawipa kah aram khuiah betoetna oen kun thaina te mami he betoet la m'bawmcem poen ai.
 2. Hekah bawmcemna lawng Pathen kah aka ang bawilenna toela mami kah phu katlou thennathli (tharaana) la Pathen hingna oen Pathen kah a coengna betoetnathli bopeih on kalaw ham koei aram khuiah kun hamla mam he thoem thaina oen m'be sak – athan 3, 1Pit 5:10.
 3. Aduben ah dungzan aram khuiah kakunthlaang tah mami n. A tang tng tah dungzan aram khuiah kunna tah mami hingna dawngah roiengna dawng kalawng a khaw seh, mami khuiah ka awm Pathen hingna dawng kalawng patoeng aroengna dawng lawng khawseh, mami hamla betoetna oen bawmcemna la awm.